

T 5213/6412.1

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

2.

DEC 18 1961

鐵
眼
心

閩沐陽一以神鐵眼

宋蘇州蘇州刺史書

宋樵川嚴儀卿先生著

滄浪吟

閩杉易一石軒藏版

滄浪吟卷後序

滄浪九嚴之一也顧所著僅存若此則

散逸宜多矣惜哉詩辯等作其識精其

論奇其語峻其旨遠斷自一心議定千

古至于拍妙悟為入門取上乘為準則

陋餘子為聲聞評辯考證種種詣極故



會良今

談者尚焉僉憲蒙溪王先生嘗過予閱
此欣然遂以屬開封郡齋刻之噫識詩
者宋季以來無逾滄浪識滄浪者蒙溪
哉

正德八年五月十日河陰和春序

重刊嚴滄浪吟卷序

作詩難論詩尤難古人之論詩者多矣
然皆泛畧不同鮮有定識求其精切簡
妙不襲故常足以指南後學如滄浪先
生吟卷者豈非詩家之至寶乎先生之
言曰論詩如論禪禪道唯在妙悟詩道

亦在妙悟盛唐諸公透徹之悟也推原漢魏以降而截然以盛唐爲法夫詩而至於妙悟詩之道無以加矣後之詩人無識者固無足道過高者乃多法漢魏而蔑視盛唐殊不知詩之衆體至唐始備唐之不能爲漢魏猶漢魏之不能爲

唐也冠裳而服豆籩而食裯席而坐可臥行之三代而不可行于後世者非三代之法不善也時不同也詩亦若是而已矣先生之論文曰詩有別材非關書也詩有別趣非關理也盛唐諸人專主意興而理在其中故其詩如空中之音

海濱明卷一
水中之月鏡中之象言有盡而意無窮也
美哉論乎人惟詩無實見而求入唐人之室
徃徃以平日之業舉子談道德者韻之爲詩
彼固自以爲是而世之好之者乃曰此誠詩也
此詩之有理而非光景留連者也遂翕然而效之
嗚呼

詩而至是詩之道不幾于厄乎唐姑置之詩
以三百篇爲經其首篇自關關雎鳩至君子好
逖理初未之及也至理寓焉孔子曰人莫不飲
食也鮮能知味又曰百姓日用而不知日用飲
食非道而所以爲道者不外是也知此可以觀先

生之詩矣是書在元嘗有刻本知崑山
縣尹君子貞以騷壇之士多未之見重
刻以傳俾余爲序遂不辭荒陋而僭書
之

正德庚辰十月朔旦太僕少卿吳郡都

穆撰

滄浪集序

扶輿清澍之氣鍾美于心火者爲理學
事功其於爲詞賦多章然亦竊均之張
楚也少陵供奉之張蜀也溯心地者每
競舉爲佳話烏在騷雅一藩不舉三立
並乘不朽哉閱百載諸啓士邵隸其一

陽唐呂蔚不甚著至宋而透迤涵衍鬱
翁心多鼎有若李忠定以匡濟黃簡肅
以經術兼呂紫陽以過化理學事功雄
視中原故其心率薄聲什儀卿嚴氏猷
呂韵林鼓吹振起壇坫所著爲詩辨詩
法一掃妖魔歸諸至覺至今唵吼之家

奉翁三尺黃元鎮圭勝國時杜門索居
嘯吼官候今觀其龜聲一集蕭騷澹遠
古鼎一不伯漢魏近鼎一京伯少陵至
夫不乞序于時名高鳳嘉砢猶足多者
嚴集汗世已久歲餘湯滅魯魚絕混龜
聲集鼎予得首友心家藏元本因歎心

代既殊風激邇邇兵燹之後流離播遷
之餘遺民故老多獻鼎馘足存卽其儀
卿一族所稱有嚴氏九心俱逸弗傳鼎
夫沈冥高尚和元鎮若又曷易夏僕數
也幸今多教昭明雅吝覆振而滄溟集
予爲諸生時已訂訛報譎留心有季茲

綏安吳氏聖同余友李玄玄乃請而重
新以余惟疆場多故時事孔棘私欲奉
忠定奏議廣爲刊布以正告天下以爲
以臣若顧宜游不遑而聖玄之舉
寔獲余心乃亟取穉聲附見焉嗟夫作
者寔難豎起匪易後之君子拂滾風而

興懷吊餘韻而增懷高以景所詎忘思
發使夫論盡以本攷古問倍以賢指部
以以以風土以物曰某在斯某在斯
樵嵐一徑東將爲楚以沅湘蜀以浣花
溪彰明鄉歎茲刻又烏容後也故余東
辭而舉爲以序非獨耀詩意于旣往亦

欲券盛美於將來云爾

同龕後學何聖海撰

嚴滄浪集序

宋樵郡嚴滄浪先生工於詩嘗著詩法
上下古今辨別體制卓識定力後世奉
為著龜無論已夷考先生生於宋之末
季高隱樵郡之莒溪群從九人俱能詩
時稱九嚴其地曰嚴坊滄浪之水出焉

因自號滄浪逋客九巖詩俱軼弗傳獨
先生遺稿僅存什一於千百雖鼎嘗片
鬻而精味獨到同時天台石屏戴式之
客遊樵川與先生交莫逆時郡太守王
子文與先生論詩不合式之作十絕解
之有云近日不聞秋鶴唳亂蟬無數噪

斜陽是先生之於當時真若野鶴之在
雞羣也再考先生有平寇四言上王潛
齋使君按宋史理宗本紀端平元年權
邵武軍王埜平建寇有功與先生詩意
相符舊本傳訛作治平改元蓋治平為
英宗登極之年去先生百有餘歲予因

海濱集序
為之訂正潛齋即子文與先生論詩不合者也先生又有庚寅紀亂之作按宋史紹定三年建昌蠻獠竊發經擾郡縣寧化曾氏寡婦禦寇有功亦與先生詩意相符而先生詩證中有見寶慶間刻本杜詩則知先生乃理宗時人與同邑

上官偉長李友山賴成之諸名士相倡和者也斯集歲久湮閔勝國至元庚寅邑人黃公紹始序而傳之厥後正德間淮陽憲伯胡公岳吳郡吏部都公穆先後授梓萬曆間予友鄧學憲汝高又梓之茲乃何若士先生博雅窮詩敬恭維

桑復校訂精詳友人吳地聖李玄、携
至三山與予商榷因考其歲月地里庶
幾得先生之大都矣苕溪先有嚴粲者
工於毛詩箋註嘗著嚴氏詩緝朱文公
詩傳多採其說然則先生之論詩夫有
所受之也
三山徐燝興公撰

題重刻嚴滄浪集


士有奮乎百世之上者先賢是也奮乎
百世之下者後賢是也故尚論古今英
哲若出若處厥操雖異要其所以能自
奮于不朽則一焉宋處士嚴滄浪先生
所著有滄浪吟詩話詩辨詩體等集自

出手眼透悟精當其雅尚則敬履功名
浮雲富貴抗節箕顛而不爲掛瓢洗耳
之激家傳隱德而不賣成都之卜不垂
富春之綸考槃嘯歌怡神山澤彝倫攸
叙樂志窒衡以布衣而立言立品能自
致不朽者豈非一代英哲奮乎百世之

上者哉垂五百年而有火隱君子周櫟
園先生宦游駐邵值磨楯草檄之會而
橫槊賦詩乃登郟懷古敬弔先生闡遺
韻于殘編發幽光于晚季重鐫其集復
建樓以祀之即顏其樓曰詩話一旦作
興維新先生唱而時流和若滄浪先生

至今在者又儼若櫟園滄浪兩先生刻
燭聯吟連床夜話歡然晤對一堂者噫
茲集也茲樓也一處一出一先一後兩
賢之風殆山高水長矣

順治癸巳吳郡何棟題于樵川李署



滄浪吟目錄

騷

閔時命

操

雲山操

塗山操

吟

行子吟二首

還山吟

孺子臺吟

引

思歸引

謠

夢遊廬山謠

歌

錢塘潮歌送吳子才赴禮部

送戴式之歸天台歌

雷斧歌

行

劍歌行贈吳會卿

放歌行

相逢行贈馮熙之

送吳會卿再往淮南

促刺行

古劍行

北伐行

四方行

樂府

上留田

估客樂

古懊儂歌六首

四言古詩

平冠上王使君

五言古詩

我友遠言邁

悠悠我行邁

朝日臨高臺

昔遊東海上

秋風入我戶

遊仙六首

過逍遙山

聞鴈二首

贈呂仲祥

登豫章城

夢中作

劉荊州答

廬陵客館雨霽登樓言懷寄友

送嚴次山

豫章留別諸公

遊臨江慧力寺

山居即事

庚寅紀亂

五言律詩

別客

送張季遠入京

訪益上人蘭若

從軍行二首

出塞行

關山月

蜀女怨

尋甯山人所居

江樓夜月懷故山友人

江上有懷上官長史

聞鴈

送上官偉長

有懷閩風山人

避亂途中

將往豫章留別張少尹

懷南昌舊遊

寄山中同志

望西山

秋夜臨汝館懷友人

樟樹鎮醉後題

張奕見訪逆旅

豫章城

江行

舟中苦熱

江上泊舟

逢戴式之往南方

塞下

吳江春望

閒居寄友

遇周子陵自行在還言石屏消息

喜友人相訪擬韋蘇州作

有感六首

三衢邂逅周月船臨別賦此二首

秋日廬陵送杜子野攝鍾陵糾掾

歲暮得吳景仙書因寄

登天皇山作

遊紫芝巖

五言排律

送趙立道赴關仍試春官即事感興因成

五十韻

五言絕句

西陵望

閨怨二首

舟中示同志

塞下

西山

送友歸山效常體

空齋

七言律詩

臨川逢鄭遐之雲亭

再送賴成之出都

將至潯陽途中寄諸從昆弟

紫霞樓夜飲

客中別吳季高

和上官偉長蕪城喚眺

寄郭招甫時在潯陽

登滕王閣

早春寄潛齋王使君

送崔九過丹陽郡上荆門省親

舟中寄漢陽故人

夜泊

送吳儀甫之合肥謁杜帥

楚江晚思

七言絕句

送友人之楚州

酬故人見贈

羽林郎

閨中詞

塞下曲六首

江上送客

賴成之還自江西感舊有作

聞笛

舟中指落星寺

答李友山山中留別

秋日

新涼

臨池

北風

燕

吳中送客歸豫章

臨川送周月船入京

絕句二首

調

滄浪吟

宋

樵川嚴

羽儀

卿

著

同郡何望海若士較

大梁周亮工元亮訂

秣陵王譽命聞上編

杉場蕭雲章編

版經百餘年殘缺漫漶
杉場丁師儒重較銀補

騷

憫時命

憫時命之不當兮去重華之日遠懷貞慤之操
行兮遭此時之洪忍志浩蕩兮耿介兮思低回
而塞產衆日進而蔽壅兮何靈修之爲怨因時
俗之狂攘兮背矩矱而不可化獨好修兮增姱
兮宜反謂余以多詐惟天地之不可正兮指黃
泉以爲期欲余屈心以從俗兮雖九死其猶不
忍爲執太原之擾兮蹈焦原之峻世沈淖而莫

予知兮吾愈峴峴而自信昔伯陽之逢紛兮時
亦去其遑遑繫周公之不復夢兮曷疑尼父之
惋傷陰與陽其轆轤兮天與地其回薄八柱將
撓兮四極安託嗟余生之多艱兮哀衆命之將
落願披志以抽憑兮思自近而不可得獨抑悵
而與誰語兮怳茫洋而焉極涕淫溢而頽溶兮
向高穹而歎息吾將遜俗以潔居兮從巢父于
箕山采三秀以咽蒼栢兮聊以終吾之永年哀

山谷之多風兮霰雪冥冥而不見天豹狼縱目
以相嗥兮虎豹群而食人信自適而無所兮蹇
淹留而懔怵目眈眈而外浮兮精專專而獨往
舉太清以爲珮兮濫灑氣以爲帷芳颯迷而並
御兮豈獨椒桂與江籬厭此世之多囂兮時遠
眺而去之揭太乙之長竿兮建招搖之飛旗天
吳爲余奔走兮龍伯爲余指麾折鄧林以爲策
兮鈔六合而驅馳左裾拂乎崑崙兮右袂掩乎
月窟訪混沌之所止兮趨清冥而歷荒忽撫盤
古之頂兮挽天皇之臂叙予心而嗽詞兮曷爲
乎鴻荒之不再世吾將揭北斗而量九州兮均
人命之所與定日月之所舍兮使長照臨此下
土又恐群靈之好讒兮俾上帝之憑怒不照余
之精誠兮吾將安懇臨天路而徬徨兮魂廷廷
而失度亂曰遭余車以來歸兮曾何足以舒憂
羗靈修之不吾祐兮於今之人其何尤懷余情

而終古兮聊與化而逍遙

操

雲山操

山巖從兮白雲雲冥冥兮高山若有人兮居其
間超逍遙兮盤桓芸櫨兮菌栢羅橘柚兮爲堂
塗予室兮楓香擘葛藟兮爲帷藟藟雜兮佩帟
穹岫兮玄厓瀑流兮相飏皎積雪兮奔雷攢林
杳其蔽日兮掛飛猱之清哀雲中之君兮白鹿
山靈續兮下空谷風蕭蕭兮灌木雲山兮幽幽
羗躑躅兮夷猶惆悵兮予懷非夫君兮誰思投
余簪兮太息從夫君兮歸來

塗山操

天蒼蒼河水黃河流泱泱大野茫茫伯鯨治水
九年無功四海赤子化爲魚龍鯨殛死堯震怒
乃命禹平水土水土平禹功成魑魅奔走人安
寧平地栽桑麻山頭種蕎麥赤驥騰櫪黃牛上

輓諸侯會同三千國嗟爾防風後至矣爲悠悠
滄山今昔所悲

吟

行子吟

行子在江海飄飄無固踪有如芒碭野朔風捲
飛蓬朔風無休期飛蓬日千里散落天地間寧
有復歸理胡鴈西北來一叫二徘徊何時別沙
漠昨夜宿陽臺同群一相失羽翮常低摧人物

有殊性奈何罹此哀

其二

昨夜客遊初結交重豪邁高冠湛盧劍志着輕
四海白首悔前圖蹉跎天一隅寒冬劍門道失
路空踟躕深林聚豺虎絕壁號猩猩雪深車軸
折征馬驚啼呼何當返故處冷黍居田廬淚下
不能去腸轉如輓轡

還山吟

日暮望南山悵然歸思發如何山中客屢看城
頭月城頭月照女蘿秋石磴潺湲瀉碧流巖猿
久別應惆悵澗鳥相呼亦共愁城南故人與我
好令我忘却歸山道昨夜西窓夢到家忽驚千
嶂之花老朝來舟子從辭君回首空江語尚聞
別後莫嗟難見面相思只望嶺頭雲

孺子臺吟

去年醉與東湖別欲上衡湘泛秋月君家留我
却遭迴悵望還成阻脩澗西山縹緲翠屏開復
憶滕王倒玉杯經過始識洪厓井調笑重登孺
子臺臺前呼酒折荷花水淨烟明散落霞舉杯
失笑君何在望斷行雲空咄嗟故人別後還愁
緒此都不是余留處興來目送海邊鴻歸心掛
在闌溪樹路逢估客有情人因得題詩一寄君
大鵬正展圖南翼空有相思隔海雲

思歸引

海上之草綠芊芊洞門一閉今幾年仙驥去時
留紫鞭掛壁見之心惘然欲歸即歸一由我不
待功成何不可堯舜不能屈由巢自餘王侯何
足交武陵春水綠堪染就中亦有桑麻郊近闌
秦人笑相語待我東溪種碧桃

謠

夢遊廬山謠

昨夜月落西窓陰倦推石枕凭素琴身居紅塵
不自覺夢入廬山深復深廬山深處在何許五
老仙人邀我語眉如秀雪顏桃花酌酒相酣坐
箕踞明河九派倒西來石梁巉絕古道開五公
握手向我笑下見劫火揚塵灰獨騎一鹿窮縈
迴窅然醉踏青錦苔松風號嘈何清哀湍飛瀑
捲萬壑雷忽然驚起迷所向四座已失黃崔嵬
披衣徬徨還太息我與世途何所屑亂世茫茫

飛蠓蟻袖中別有金膏訣須君之行當何時共
向丹厓踏松雪

歌

錢塘潮歌送吳子才赴禮部

海潮之來自古昔天下詭觀稱錢塘東南王氣
實在此勢與造化爲低昂觀其映日始一線何
處群鷺紛然翔漸聞鼓聲震原野疑是三軍叢
陣行銀城天際忽過眼捲蹙厚地何蒼皇餘波

已去灑月窟怒氣猶自吹扶桑百川倒流浩呼
湧天吳河伯神皆竦海上長人出水驚巨鼉辟
易三山動廣陵之濤安可比吳客雄誇徒爲爾
請君看此凭江樓載酒無勞棹小舟湖上百花
春蕩目笙歌聒我非清遊洪濤萬里壯可吞筆
底颯颯洪濤奔願持忠憤愬明主一第於君何
足論錢塘日邊雲氣多君之行兮莫蹉跎教人
臨岐柰別何贈君錢塘海潮歌

送戴式之歸天台歌

吾聞天台華頂連石橋石橋巉絕橫烟霄下有
滄溟萬折之洪濤上有赤城千丈之霞標峰懸
磴斷杳莫測中有石屏古仙客吟窺混沌愁天
公醉飲扶桑泣龍伯適來何事遊人間飄飄八
極尋名山三花樹下一相見笑我蕭颯風沙顏
手持玉杯酌我酒付我新詩五百首共結天邊
汗漫遊重論方外雲霞友海內詩名今數誰群

賢翁沓爭相推胸襟浩蕩氣蕭爽豁如洞庭笠
澤月寒空萬里雲開時人生聚散何超忽愁折
瑤華贈君別君騎白鹿歸仙山我亦扁舟向吳
越明日憑高一望君江花滿眼愁氛氲天長地
濶不可見空有相思寄海雲

雷斧歌

窮厓之上層峰之巔神光夜半光燭天山偕夢
裏忽驚起有物墮地聲填然峰頭巨石似開劈

鬼物散走如飈旋山僧曉見不敢取有客識之
爲雷斧持歸摩挲色蒼古匣中徃徃出雲氣窓
外時時起風雨吾聞陰陽之氣相搏爲雷霆變
化翕歛常杳冥非若葦蠱考擊之爲聲不知此
斧何從形乃是比干之心朱雲之舌一片忠憤
氣蟠鬱天地間千載長不滅造化爲爐巧鎔結
嗟哉指佞之草不復生群奸睚眦紛縱橫大弓
寶玉爭竊取豈懼鬼責并天刑我欲乘雲朝帝

所大叫天關排九虎乞將此斧借小臣叩頭問
天五更許

行

劍歌行贈吳會卿

劍歌行借君劍爲君舞自古英雄重結交樽酒
相逢氣相許愛君個儻不可羈與君一見心無
疑踈眉大顙長七尺神采照耀仍虬髯雄詞落
紙走山嶽霹靂繞壁蛟龍隨如何十載困羈旅

此心獨未時人知去年從君殺強虜舉鞭直解揚州圍論功不及驃騎幕失路羞逐邊城兒歸來寶刀掛空壁白光夜夜驚虹霓椎牛醜酒且高會酣歌擊筑焉能悲百年快意當若此迂儒拳局徒爾爲我亦惟藏江海客重氣輕生然唯諾

放歌行

進賢之冠兮高乎岌危山玄之珮兮長乎陸離

苟非其道兮曷如蕙帶而荷衣堯舜邈其不逢兮我之心其孰得而知寧輕世肆志兮採商山之芝與其突梯滑稽有口如飴據高位而自若釣厚祿而無疑則余有蹈東海而死耳誠非吾之所忍爲

相逢行贈馮熙之

馮夫子神仙中人乃如此幾載長懷玉樹枝向來曾見蛟龍字志合神凝盃酒間誰知豁盡平

生事與君高會日揮金擊劍談玄復弄琴看君
自是青雲器何事常懸滄海心我今與君真莫
逆世上悠悠誰復識百年飄忽或須臾萬里青
雲一飛翼且將耕釣任吾身君亦牀頭有周易
馮夫子我欲勸君飲君當爲我歌眼前萬事莫
可理紛紛黃葉掃更多長風吹天送落日秋江
日夜揚洪波只今留君不盡醉別後相思知柰
何

送吳會卿再往淮南

故人身披紫綺裘腰佩寶玦騎胡騮英風俠氣
橫四海辭我遠向淮南遊淮南桂樹應猶在八
公舉手遙相待明月高懸五兩頭隨君千里過
淮流十年鞍馬邊城道又是邊城見春草春草
萋萋路入秦長安北望空愁入荆楚奇材多劍
客感慨相逢思報國男兒事業早致身青鬢須
防霜雪迫我向人間久拂衣白雲相伴掩巖扉

調琴鼓罷清商曲愁見孤鴻天際飛

促刺行

促刺復促刺男兒蹭蹬真可惜三年走南復走
北歲暮歸來空四壁隣翁爲我長歎息人生四
十未爲老我已白頭色枯槁海內伶俜獨一身
裘馬摧藏愁欲倒今日飲君數盃酒座間頗覺
顏色好忽憶當年快意時與君笑傲長相期大
杯倒甕作牛飲脫巾袒跣惟嫌遲即今多病筋
力弱壯心猶存興寂寞君不見昨夜誰爲烈士
歌聽罷仰空淚零落

古劍行

我有三尺劍懸膽光陸離荆鐘不錚切玉如泥
水斷蛟龍陸剽犀三軍白首纔一揮惜哉掛壁
無所施使之補履不如錐吾將抱憤懇玉帝手
持此劍上天飛

北伐行

王師北伐何倉卒六郡丁男亳州骨空見朝陵
奉使回郡盜翻來舊京闕襄陽兵馬天下雄尚
書兄弟才傑同偏裨入救寇已晚萬國此恨何
時終

四方行

四方群盜苦未平况聞中原多甲兵百年讐耻
幸已雪何意復失東西京嗚呼機事難適至成
敗君看豈天意戰骨連營漫不歸空流烈士中

宵淚

樂府

上留田

天地一何長久上留田人老一去無歸上留田
松柏一何纍纍上留田勸君酒尊金罍上留田
願君大家蠶桑上留田有絲織作衲襠上留田
無爲多憂重煩傷上留田

估客樂

荆州人來販穀下江易上江難船頭打鼓波漫
漫長帆挽上五兩竿

古懊儂歌六首

五兩轉須更相望柰何許寄語黃帽郎船頭慢
搖櫓

其二

君子如白日願得垂末光妾身如螢火安能久
照郎

其三

郎去無見期妾死那瞑目郎歸認妾墳應有相
思木

其四

船在下江口逆風不得上結束作男兒與郎牽
百丈

其五

朝亦出門啼暮亦出門啼蛛網掛風裡遙思無

定時

其六

懊惱復懊惱
懊惱無柰何
請郎且少住
聽妾懊惱歌

四言古詩

平寇上王使君

治平改元有盜于建
昔犯我鄙狼踪豕踐於休
吾侯維民之憂爰整我軍式遏虔劉
侯勵將士

無譁聽我進退勇怯死生福禍
侯出府庫啗勳賞馘前無堅敵
後無捷策乃有奇士據鞍請行
袒裼入陣賊莫能嬰亦有賢僚
爭先跋涉屢摧賊鋒月奏三捷
侯曰嘻哉盜本王臣殪而殲旃
傷天地仁赤子弄兵如魚遊釜
投戈歸田新汝生路孰謂反覆
給我行入既弛我備薄奄我軍
我軍少却醜類鴟張環數百里
奔播倉皇侯曰嗟哉其又可恕
馳赤白囊亟請淮旅淮旅未來

沾危如燬淮旅既來稚莖失喜侯謂淮將次舍
良苦休士秣馬我有清醕淮將曰吁剪此朝食
不介而馳直擣其穴群醜來聚亘野彌山淮旅
整暇徐誘之前弓不虛設矢不妄激發數步內
應弦而踣或弋其喉或及其脛若鳥獲力鞭乳
臭嬰黨類周章途殫命窄魚驚鳥散影不反迹
淮旅拘怒蠱芥鬚鬣搜林刮莽遠討窮追淮旅
拘怒火烈具舉沸澤焦厓窟穴無所自相蹈藉
十殺八九喪魄亡精食不知口原膏野赤谷臭
川腥燐火不焰蕩鬼殘形乃求元兇已盡凡阻
執彼餘魁入而振旅其魁伊何緇服髡首一郡
縱觀萬夫歡走炮烙剔腐以儆叛者前後獻俘
復以百數蕩滌汙垢宥貸脅從收霜捲電和氣
融融侯饗淮將加籩折俎庖騎酒車飲均衆
何以贈之筐篚燐煌戰功曰多告成于王嗟我
婦子若翁若媪安逸怡愉匪侯曷保侯曰此捷

諸將之功雖有諸將實侯指踪讐在藩籬疾居
心腹急緩安危若手反復匪侯勤請蔓實難圖
謂予不信往有覆車君子作歌以頌侯績誰其
采詩願備簡冊

五言古詩

我友遠言邁

朔風卷秋樹白日寒無光是時鴻雁來四野尙
蒼茫我友遠言邁使我結中腸如何攜手歡一
旦成異鄉行旅有期程遊子多悲傷置酒欲高
歌淚來沾我裳四座慘相顧征馬亦徬徨未知
會面日且復盡茲觴

悠悠我行邁

悠悠我行邁邈在天一方道路無終極時節異
炎涼路逢故里親揮泣問我鄉妻子離別久不
知今存亡中原多白骨城邑聚豺狼遠去無僮
僕思還絕餼糧寄語家中人遠行良可傷

朝日臨高臺

朝日臨高臺
睽彼芳樹間
上有共棲鳥
和鳴何關關
爾乃慕儔侶
我胡獨不然
良友在萬里
邈然河與山
聚會豈不思
歲月倏已殫
未必無他人
要非心所歡

昔遊東海上

昔遊東海上
道遇青童君
授我度世訣
中皆鳥篆文
讀之了不解
再拜問微言
舉首忽無見
茫

茫空白雲

秋風入我戶

秋風入我戶
翩翩動床帷
咄嗒中夜起
奈何我心悲
四海豈不大
傷哉無已知

遊仙六首

秋澗夜瑟瑟
月露明團團
褰衣步澗月
忽見雙飛鸞
上有騰空仙
天風飄珮環
清歌映巖谷
粲若玉煉顏
愿言緣雲去
隨君向仙關
嚙食以不

老何用思人間

其二

惟讀玲瓏篇來往虛皇閣空見白芙蓉秋風幾
凋落昨逢紫陽君共有丹臺約下視塵埃中冠
纓縛猿猱世事行若此悠悠復何託

其三

五老出東南崔嵬相間隔清晨登絕頂處處仙
人跡朱霞散九光巖谷好顏色回首空澄湖黃

濤正喧擊石上絃素琴神歡心自清仙童三四
人忽來左右聽嘹嘹誦金章勸我餐瑤瓊贈我
一玉塵邀我凌雲行舍琴與之去恍惚在蓬瀛
其四

朝別簡寂觀夜行石逕溪溪光照厓綠月色正
相瓦石上三道士頎然好丰姿或弄金光草或
把珊瑚枝憑風招素手賜我一玉卮嘆我事遠
遊蕭颯朱顏衰長林孤月落羽蓋何歲蕤垂垂

乘之去棄我忽若遺明發聞無覩但有青巖啼
其五

翩翩南來雲如飛百隻鶴我行忽見之眇然意
欣樂五峰何峻秀靈草生根萼願乘此雲去去
鍊黃金藥千載倘歸來不復見城郭

其六

瀑布好明月上有石梁橫矯首望東海正見蟾
跡生揚輝天漢間下照蓬丘城挂實幾凋落姮
娥空聞名咄哉玉斧子不如白兔精靈藥不服
食執柯獨何成迢迢彩雲外誰吹白玉笙竦身
一長聽了若出窰瀛

過逍遙山

來過許仙宅復窺洪厓井地逐靈勝高興接煙
霞永伊余坐昏墊久欲還林嶺明發囊舂砂歸
歟煉顏景

聞鴈二首

淒離聽不足，咿噤斷還續。江人何似情，估客舟
中宿。夜深沙磧寒，月冷洞庭寬。寂寞相依影，悲
風動毳翰。

其二

江南底好處，塞北今衰草。何限旅情遙，月映蘆
花老。琵琶倚蓬窓，孀婦別洞房。千載江湖淚，一
盡淋浪。

贈呂仲祥

雪中誦招隱，高卧閒琴尊。忽有呂夫子，清晨扣
我門。夫子忠烈後，家聲四海聞。神交三十載，方
此挹清芬。吾道識宗主，文章詔討論。期我名山
遊，招我出塵紛。伊余抱病久，局促滯中園。平生
海嶽交，零落今誰存。今日對夫子，使我開心魂。
忽覺此身去，萬里如空雲。已見赤城霞，疑聞天
姥猿。世道久崩迫，誰將元化分。濛濛六合間，莽
莽塵沙昏。所吹賢達士，其如麋鹿群。終欲從夫

子超然凌紫氛松間兩白鶴爾實聞斯言

登豫章城

憂來不自得登城望高天寒雲四面起朔氣下
長川脫劍且却坐君知心惘然奈何平生志鬱
抑江湖間凜凜秋風來茫茫落日晚長憂生白
髮沉想忘朝飯向來經濟士本是碌碌人蕭曹
乃筆吏樊灌屠販臣徒步以勲業漢道爲光新
我今何爲者飄飄去鄉國在歌豫章城醉卧風
江碧但取英雄笑終慙侷儻生名當以德載事
耻因人成獨酌還獨酌哀歌還寂寞安得凌風
翰爲君拂寥廓

夢中作

予客廬陵日夢至一大府主人自稱劉
荊州與予觴咏各賦詩爲樂覺而彷彿
其一二因續成之

少小尚奇節無意縛珪組遠遊江湖間登高屢

沈海
懷古前朝英雄事約畧皆可觀將軍策單馬談
突有荆楚高視蔑袁曹氣已盡寰宇天未豁壯
圖人空坐崩阻丈夫生一世成敗固有主要非
僮儼人未死名已腐夫何千載後亦忝趨大府
生人愛敬客開宴臨長浦高論極興亡歷覽窮
川渚殷勤芳草贈窈窕邯鄲舞愧無登樓作一
旦濫推許懷哉揮此觴別路如風雨

劉荊州答

皇漢失中德四海橫雕戈驚塵暗九有豺虎臨
長河流入滿川谷積屍亂如麻關洛既蕩柝楚
襄空嵯峨謬當牧守寄無以救時訛竟貽百代
誚家世隨蹉跎安知千載下夫子感慨多人生
固有志成敗飄風過且復登城隅逍遙望山阿
日暮襄漢碧鳧鴨浮輕波何以慰我心玄熊問
黃駝清觴宜城酒二八邯鄲歌願言寫懷抱聊
用寬吾家勿言此歡久樂罷歸無何

廬陵客館雨霽登樓言懷寄友
終日坐汾澳邈然無少欣登樓一周覽始見萬
山群微雨洗殘暑青天捲浮雲襟懷兩廓落朗
若見夫君見君君何在顧影還獨笑吏非金門
遊隱異滄洲調江明秋月白山空夜猿嘯徒事
百卷文未返一竿釣留滯豈勝愁非君誰與謀
水寒終赴海鴈遠暫賓秋舉世不可語猶當傲
巢由贈君三尺劍永駕五湖舟

送嚴次山

四年棲嶺表三歲客海東人生貴安適奔走成
何功去年喜歸來山花春蒙茸弟姪各捧觴一
笑生華風南山多紫芝北山多白薇雲空汗漫
臺月午生涼輝俯仰僅一歲脂車復征西豈以
丈夫志萬里猶庭幃豈以名山川待公親品題
故園松桂林一一含貞姿何時賦歸來毋令久
凝思

豫章留別諸公

登樓眺海日沙島聽江猿何意豫章國還着孤
蓬根經過徐孺宅出入洪喬門昔看秋葉落今
見荷華繁頗耽山水趣正愜朋從溫窮秋催客
去孤帆若雲奔追攀感數子灑襟餘淚痕既傷
歲月晚復戀烟霞樽歡樂無定序聚散同朝昏
丈夫忠四海別離何足論

遊臨江慧力寺

舟中望古剎川上移琴樽隱隱林閣見迢迢鐘
梵聞列岫不離席驚濤常在門風帆與沙鳥汎
汎隨朝昏天高一幡掛室靜衆香焚烟起多近
郭鴉歸無遠村松際尚微雲經年來暮猿賞惟
靜者契法對高僧論安得息塵駕永懷瞻獨園
明朝別此去惆悵滿松雲

山居即事

稍欣入林深已覺煩慮屏霜果垂秋山歸禽度

嵐嶺紛紛葉易積漠漠雲欲盛澗底寂無人松
蘿窅然暝惟聞山鳥啼月上柴門靜終歲寡持
醪延歡聊煮茗群書北窓下帙亂誰能整

庚寅紀亂

承平盜賊起喪亂降自天荼毒恣兩道兵戈浩
相纏此邦禍最酷賤子忍具言朝廷討亂初誰
任主將權輜重道間來隱隱何闐闐殿前盡貌
所向當無堅組練照川明戈戟耀日鮮父老

當時言此賊不容吞軍興法律在進退非得專
奈何忽捨去屯壘隨之遷留兵不五百當賊逾
數千英英胡將來策馬獨奮先出入突且擊勢
絕飄風旋殺賊不知數屍骸相疊穿誰謂散復
來其徒奈實繁須臾塞城郭咨水迷妖氛將軍
怒一呼誓死報國恩拔劍復入陣鼓聲俄不聞
哀哉失壯士白日爲之昏嗟彼城中人欲生何
由緣連頸受屠戮赤族罹禍寃妻妾悉驅虜道

路號相牽或有小失意性命無由全言語方出
口腰領已不連婉婉閨中女未嘗窺戶邊白
斥之去不許暫稽延回頭顧父母父母安敢憐
所掠靡孑遺囊擔無虛肩衣冠困奴隸怒罵仍
笞鞭又有脫鋒刃多化爲魚鼈途窮勢復迫忽
若忘重淵倉卒所傳誤投身空棄捐嬰兒或在
抱粉黛猶儼然沙磧腥人腸啣喙集烏鳶嗚呼
彼蒼天念此胡罪愆此者因亂定南歸經舊廬

豈徒人民非莫辨陌與阡所見但荆棘狐狸對
我蹲坡陀流血地靡靡生寒煙城頭遇老翁行
淚與余論云賊破城時賊初攻南門大軍血戰
久家得扶我奔所免有萬計皆我胡君恩不然
盡魚肉遺黎何有焉語罷復嗚咽余亦涕泗漣
軍旅苦轉輸饑饉仍薦臻瘡痍苦未復千里惟
空村白骨不知誰無人爲招覓四郊實多此仁
者宜惻然近喜大告捷所俘悉已還兇渠戮廟

社黨類歸之田當知釜中魚貸爾喘息懸胡爲
迭恃險高壘猶山巔蠻獠本異性上風來有年
力屈勢暫伏乞降非惡悛脅從固固治群醜豈
盡原反復恐難料安危伏諸賢此師不再舉乘
時須勉旃國家刑罰在廟算必不偏感時鬚髮
白憂國空拳拳

五言律詩

別客

客鬢風霜晚離亭鼓角聞念君當此去把袂不
能分衡霍連秋氣瀟湘合暮雲愁心將落葉向
晚共紛紛

送張季遠入京

手把一枝菊贈君千里行山川遙滿日何處是
吳京飲罷北風起蕭蕭胡鴈聲東流倘未盡見
我望君情

訪益上人蘭若

獨尋青蓮宇行過白沙灘一逕入松雪數峰生
暮寒山僧喜客至林閣借人看吟罷拂衣去鐘
聲雲外殘

從軍行二首

朔風嘶馬動遙想鴈門秋負劔辭鄉邑彎弓赴
國讐黃榆連白草河隴去悠悠報主男兒事焉
論萬戶侯

其二

翩翩雙白馬結束向幽燕借問誰家子邯鄲俠
少年彎弓隨漢月拂劔倚胡天說與單于道今
秋莫近邊

出塞行

將軍救朔邊都護上祁連六郡飛傳檄三河聚
控弦連營當太白吹角動胡天何日匈奴滅中
原得晏然

關山月

海濱吟
今夜關山月偏能照馬鞍盧龍征戍客圓缺幾
回看遙想金閨裏應悲玉露寒黃沙三萬里何
處是長安

蜀女怨

幾時離月峽五見紫蘭凋塞鴈隨魂斷江花逐
淚飄沙頭南北客京口去來潮日日無消息空
登萬里橋

尋甯山人所居

幽人吟道隱結茅巖之東余亦避世客逢君於
此中鳥因留食至泉爲煉丹紅向晚下山去月
高秋色空

江樓夜月懷故山友人

昨夜江樓月思君好斷腸猿聲相應發山色更
青蒼楚塞來書遠閩關隔夢長今朝看愁髮爲
爾半成霜

江上有懷上官長史

懷君長不樂，立馬大江邊。
塞鴈來無際，驚沙度
颯然。客心懸日夜，書札斷雲天。
莫作青山老，空
爲人所憐。

聞鴈

遠客驚秋鴈，高樓復異鄉。
聲無邊哨苦，影落楚
雲長。此夜頭堪白，他山葉又黃。
年年洞庭浪，飄
泊更無行。

送上官偉長

歲晚長愁緒，嗟君更遠行。
兵戈今日淚，江海故
人情。此別幾時見，寒猿一夜鳴。
致君相許在，回
首壯心驚。

有懷閬風山人

把酒忽惆悵，君今吳楚間。
孤雲隨馬首，風雨隔
河關。心事竟安在，此行殊未還。
空將百年意，泣
向寶刀環。

避亂途中

回首兵戈地遺黎見幾人他鄉空白髮故國又
青春多難堪長客偷生愧此身本無匡濟畧嘆
息謾傷神

將往豫章留別張少尹

西江飛鳥外極目渺離愁同侶時催發征人不
可留江湖雙淚眼天地一孤舟揮棹從茲別空
傷旅鬢秋

懷南昌舊遊

昨在南昌府清遊不可窮杯行江色裏棹進月
明中樓笛吹晴雪菱歌漾晚風坐來懷舊迹萬
里一飄蓬

寄山中同志

我有三足鹿放之在碧山別來幾千日昨夢忽
來還松色入天盡巖花落地閒憑君一問信沿
月上潺湲

望西山

西山橫翠新中隱石仙真笑取玉麈尾揖茲丹
霞入雲從石洞出月落滄江頻予亦將高卧藤
蘿掛葛巾

秋夜臨汝館懷友人

秋聲動梧竹月色滿庭蕪此夕懷良友天涯各
一隅飛飛群過鴈切切木棲烏安得從君去扁
舟駕五湖

樟樹鎮醉後題

吾憐樟樹好取醉欲無還酒壓鵝兒色詞歌雉
子斑朱樓當碧水紅日下青山興罷揚鞭去蒼
蒼烟霧間

張奕見訪逆旅

歲晚傷爲旅君來適慰情郊扉寒少色江渚夜
多聲報國憐他日爲儒愧此生那言離合際更
觸壯心驚

豫章城

愛此城高處回鞭醉每醒江花兩岸白煙樹一
行青雲學山舒態天隨水賦形吾多徐孺子獨
向此沉寘

江行

暝色蒹葭外蒼茫旅眺情殘雲和鴈斷新月帶
潮生天到水中盡舟隨樹杪行離家今幾宿厭
聽棹歌聲

舟中苦熱

舟行何太熱岸上莽塵沙閃閃浪頻過昏昏日
又斜年衰愁作客秋近苦思家蝗旱三千里江
淮兒女嗟

江上泊舟

天際長愁客沙邊舊驛亭風低江浦鴈雲暗夜
船燈窮老嗟身拙狂歌畏酒醒此生何定着江
漢一浮萍

逢戴式之往南方

此老相逢日中原正用兵黃塵空北望白首更
南征今古悲秋意江湖惜別情幾時群盜滅匹
馬會神京

塞下

鞍馬連年出關河萬里賒將軍思報國壯士耻
還家大漠春無草天山雪作花誰憐李都尉白
首沒胡沙

吳江春望

客有東南別憑高正憶家青春江上草湖日岫
頭沙去鳥無邊盡歸帆幾處斜音徽不可問惆
悵結瑤華

閒居寄友

蕭條遺世心江上坐來深擁褐閒窺沼思山欲
借琴有旛烟際寺無葉水邊林不見同袍友憑
誰伴苦吟

遇周子陵自行在還言石屏消息

不見石屏老相思問客船長沙聞近別行在定
虛傳兵革來書斷江湖望眼穿他時同話此把
臂喜應顛

喜友人相訪擬常蘇州作

朝朝竹林院閉戶讀殘書几閣晨風入江郊寒
露餘故人步屨至清坐每躊躕輟卷還留興漱
泉同飯蔬

有感六首

誤喜殘胡滅那知患更長黃雲新戰路白骨舊
沙場巴蜀連年哭江汜幾郡瘡襄陽根本地回
首一悲傷

其二

哀痛天災日絲綸罪已深王師曾北伐胡馬尚
南侵謀國知誰計和親豈聖心願聞修實德聽
納諫臣箴

其三

聞道單于使年來入國頻聖朝思息戰異域諸
和親今日唐虞際群公社稷臣不妨盟墨詐須
戒覆車新

其四

災異時時見群情恐懼中修禳今日急反側向
來同社稷堪多難安危係數公殘生江海去老
作一漁翁

其五

陛下春秋盛謙卑每責躬得無勞聖慮猶未定
儲宮付託關神器乾坤在至公早聞宣詔冊歡
喜萬方同

其六

傳聞降北將猶未悔狂圖忍召豺狼入甘先矢
石驅聖朝何負汝天意必亡胡試看山東寇如
今更有無

三衢邂逅周月船臨別賦此二首

同是江湖客居然歲月多心期看白髮歸夢付
滄波子去見家遠吾衰奈別何幾時江上月載
酒定相過
其二
戎馬相逢日那知復此間客愁詩莫遣世事酒
相關江上孤舟在天隅兩鬢斑更將憂國淚滿
袖送君還

秋日廬陵送杜子野攝鍾陵糾掾

暫見還分手誰能不黯然去帆蘆葉浦別酒菊
花天他日思良會空囊檢贈篇鍾陵有過鴈莫
忘尺書傳

歲暮得吳景仙書因寄

遊吳還適越慷慨莫徒然烽火關河噤兵戈宇
宙連書來山雪外人在海雲邊借問遼東鶴歸
來定幾年

登天皇山作

我來陟高頂俯瞰臨長川陰厓隱落日疊嶂鳴
飛泉獨立一世外所思千古前回看鳥沒處茫
茫生白烟

遊紫芝巖

羽客逍遙地花源世未尋我來窺異迹高步巡
飛岑石帶藤蘿古泉鳴澗壑深紫芝未可采空
寄白雲心

五言排律

送趙立道赴闕仍試春官即事感興四成

五十韻

嗣聖中天日遺氓憶漢時一王新盛禮萬國賀
重熙官爵沾寰宇光明冠本支窮冬辭老母吉
日赴京師祖席明斜照寒江結暮漸停杯愁把
袂立馬語臨岐草動春前色梅繁雪後枝湖山
饒逸興士友重游嬉菱唱工迷客荷舟穩放維
土風珍縞帶吳饌熟蓴絲塔寺開金碧樓臺漾

海
四
淼瀾雲連勾踐國江動伍員祠閭闔春朝早觐
稜霽景遲柳迎仙杖軟花簇御樓欹苔藓來宛
馬櫻桃薦寢帷周家千歲曆漢殿萬年危駐蹕
山川遠橐弓歲月移天俄憂杞國日再仰咸池
弓劍群臣淚園陵故國悲乾坤開帝統雨露豁
宸私蜂蠆何爲爾豺狼欲問誰箭流元帥幕城
立叛營旗國體存矜卹皇猷務遠綏且從鷹一
飽自待虎雙疲復說京西亂愁連蜀道危倉皇

分隊伍指點護藩籬狙詐終勞馭遊魂不足羈
幾年腥戰血今日痛瘡痍宗社神靈在邦家德
澤遺會聞淝水捷可復鴈門踦草詔詞頭切蒲
輪禮意卑賢良多選拔社稷在扶持舉動新群
目經綸佇一夔長沙何遽往鄭北竟堪疑莫以
朝廷重翻令盜竊窺稍懲鷹隼擊庶使鳳凰儀
薪膽方無倦輿圖正入披王孫思報國天府待
忠詞世道多爲忌波流幸勿隨從容陳古昔感

慨論邊陲仕進雖云始平生見在茲青氈今可
復綠服更相宜漂泊微軀老蹉跎困翮垂散材
元自逸正論竟焉裨誤賞騷人作深慚國士知
叫閨時已晚鳴劍志空馳鬱鬱驅流俗悠悠嘆
亂離羊裘終隱去漁釣復何之出處從今隔飛
騰不可追濟時須俊傑願覩中興期

五言絕句

西陵望

西陵終日望不見有歸槎欲去猶回首寒江起

暮潮

閨怨二首

昨夜中秋月含愁顧影頻空留可憐影不見可
憐人

其二

欲作遼陽夢愁多自不成錯嫌烏珀鳥半夜驚
窓鳴

舟中示同志

見說春帆外匡廬水石多期君一把臂長嘯入
烟蘿

寒下

莫被封侯誤封侯似漢家君看城下骨萬古一

黃沙

西山

西山青縹緲深處有丹砂說道神仙客邀余戲

紫霞

送友歸山效常體

送君歸山谷覺我荷衣塵殷勤渭城別哀淚自
沾巾

空齋

寒燈照疎竹栖禽時復驚默坐空齋夜寂寂道
心生

七言律詩

臨川逢鄭遐之雲

天涯十載無窮恨
老淚燈前語罷垂
明發又爲千里別
相思應盡一生期
洞庭波浪帆開晚
雲夢薰葭鳥去遲
世亂音書到何日
關河一望不勝悲

再送賴成之出都

天際晴霞欲變春
高樓分手淚沾巾
荆吳耿耿舟遠
江海悠悠白髮新
萬事蹉跎堪更問
十年離別亦何頻
江村幾處梅花發
明日相思是旅人

將至潯陽途中寄諸從昆弟

耿耿孤帆去幾程
悠悠天際望湓城
一身避亂辭鄉國
千里相思隔弟兄
猿叫匡廬寒暮色
鴈過彭蠡帶秋聲
江湖此去多飄泊
腸斷風塵遠別情

紫霞樓夜飲

西樓孤絕倚天青
我愛明河對戶橫
露滿碧梧風屢起
烟消綠嶠月初生
仙人共酌丹霞酒
逸侶同吹白玉笙
不向此時窮
笑傲更從何處豁
高情
客中別吳季高
悠悠遠別半生悲
白日相逢又語離
海內風塵驚不定
天邊消息到何時
洞庭旅鴈春歸盡
衣步寒潮夜落遲
惆悵孤舟從此去
江湖未敢定

前期

和上官偉長蕪城晚眺

平蕪古堞暮蕭條
歸思憑高黯未消
京口寒煙鴈外滅
歷陽秋色鴈邊遙
晴江木落長疑雨
暗浦風生欲上潮
惆悵此時頻極目
江南江北路迢迢

寄郭招甫時在潯陽

夢向三江買釣船
掛帆西去白雲邊
窓開曉色

香爐見門落寒聲瀑布懸百年酒興陶彭澤四
海詩名孟浩然何日真尋塵外跡焚香酌茗誥
先賢

登滕王閣

高閣憑空浩蕩開當時遺跡幾荒苔煙含晚市
悠悠見沙帶澄潭渺渺回此日登臨分壯氣百
年淪落憶雄材可憐萬古神交意日暮荒涼一
嘆哀

早春寄潛齋王使君

昏昏醉睡慵朝起日日柴門待煖開春至任從
花鳥笑客來須仗酒尊陪移舟動覺依江柳策
杖時能訪早梅忽憶使君聯騎去此時乘興且
啣杯

送崔九過丹陽郡上荆門省親

江國歸心一鴈牽河橋分手數盃傳千厓萬壑
秋聲裏匹馬孤帆落照邊牛渚寒波翻極浦荆

門晚樹合遙天他時莫枉瑤華問南北相思各
渺然

舟中寄漢陽故人

浦口停留待信風邊城落日亂流通梧桐院落
秋聲裏橘柚人家晚照中棹歌幾處驚寒切砧
響千村入耳同日日愁心西北望漢陽楓樹落
無窮

夜泊

夜聞估客送將歸葭菼蕭條月色微萬里江湖
何處極孤舟鴻鴈自相依盃拋黃菊乾賒酒城
掩清砧罷搗衣不奈此時心斷絕長沙南去故
人稀

送吳儀甫之合肥謁杜帥

十年劔氣欲凌雲况復才華迥不群投筆幾回
思出塞賦詩此日去從軍沙場青草時差緩淝
水紅旗捷屢聞玉帳元戎桑梓舊行看幕府策

奇勳

楚江晚思

旅思遙遙倦向南
誰家煙火起晴嵐
孤城歸鳥連寒角
極浦斜陽帶遠帆
楓葉自能悲楚客
竹枝何用怨江潭
今朝欲寫風波恨
千里書成手

自絃

七言絕句

送友人之楚州

黯黯離筵夕照收
江城羌笛起邊愁
念君此去三千里
何處關山是楚州

酬故人見贈

湘江南去少人行
瘴雨蠻烟白草生
誰念梁園舊詞客
桃柳樹下獨聞鶯

羽林郎

貂帽狐裘塞北妝
黃鬚年少羽林郎
彎弓不怕天山雪
生縛名王入建章

閨中詞

良人西去擊狂胡妾在閨中對影煇萬里長看
天外月一生空得夢中書

塞下曲六首

孤城莽莽秋天外盡日無雲空自哀忽恠一時
天盡黑合群胡鴈向西來

其二

渺渺塵沙散橐駝風吹黃葉渡黃河羗人半醉

葡萄熟塞馬初肥苜蓿多

其三

古戍秋生畫角哀思歸泣盡望鄉臺胡天日落
寒風起但見黃沙萬里來

其四

一身遠客逐戎旌落日蕭條望古城漸近磧西
無水草北風沙起橐駝驚

其五

玉關西去更無春滿眼蓬蒿起塞塵漢馬不歸
青海月胡笳愁殺隴頭人

其六

天山一夜雪漫漫虜去管空戰血乾十萬征人
回馬首天邊烽火報平安

江上送客

留君夜飲北風寒且折梅花耐醉歡明日桐廬
潮去遠孤帆天際若爲看

賴成之還自江西感舊有作

十年心事兩蹉跎南北東西別恨多今日樽前
重把手相看爭奈白頭何

聞笛

江上誰家吹笛聲月明霜白不堪聽孤舟萬里
瀟湘客一夜歸心滿洞庭

舟中指落星寺

日暮黃沙壓岬平江心風浪暗冥冥南康一望

何由到愁殺舟中指落星

答李友山山中留別

已恨青山臨渡口相思回首隔夫君更堪重到
相思處不見青山見白雲

秋日

西風催我轉胡床坐落秋山午夢涼蟬老樹深
音響別滿天風雨帶斜陽

新涼

小院新涼水竹通鳴蟬聲斷晚來風忽然坐睡
膏騰去不覺殘書落手中

臨池

乍涼池館雨初收菱角蓮房共趁秋獨恨碧波
渾占却更無剩水浴沙鷗

北風

夜來雨雪北風真吹得波濤欲暗天世上如今
少知己煩君牢繫釣魚船

燕或云三體作

巢破春雛半不存
啣泥空傷主人門
一生巧計輸黃雀
飲啄官倉長子孫

吳中送客歸豫章

川程極目渺空波
送爾歸舟奈別何
南國音書須早寄
江湖春鴈已無多

臨川送周月船入京

別時把酒已魂消
別後音書恐闕寥
一片離心

寄春水隨君船入浙江潮

絕句二首

萬里長江歲暮天
冰堅可渡不須船
雲裳老子迎君笑
化鶴歸來又百年

其二

梅花樹樹攪離心
寒重駝裘雪片深
詩思飛來驢子上
小山叢桂伴君吟

調

滿江紅送廖叔仁赴關

日近觚稜秋漸滿蓬萊雙闕正錢塘江上潮頭
如雪把酒送君天上去瓊瑤玉珮鸛鴻列丈夫
兒富貴等浮雲看名節天下事吾能說今老
矣空凝絕對西風慷慨唾壺歌缺不灑世間兒
女泪難堪親友中年別問相思他日鏡中看蕭
蕭髮

沁園春爲董叔宏賦溪莊

問訊溪莊景如之何吾爲平章白月湖不見江
山零落驪塘去後煙月淒涼有老生如梅峰者
健筆縱橫爲發揚還添得石屏詩句一段風光
主人雅興徜徉每攜客臨流泛羽觴想歸來
松菊重煩管領同盟鷗鷺未許相忘我道其間
如斯人物只合盛之白玉堂須還把扁舟借我
散髮滄浪

